

85

15

1743, 3

FACULTATIS JURIDICAE

DECANVS,

**HENRICVS MELCHIOR
SCHÜTTE, JCTVS,**


MEMORATÆ NEC NON PHILOSOPHICÆ FACULTATIS
ASSESSOR ET PROFESSOR POLITICES PVBL.
ORDINARIVS,

LECTORI BENEVOLO

S. P. D.

ERFORDIAE,

Typis JOH. CHRISTOPHORI HERINGII,
Acad. Typogr.



FACULTATIS PARISIENSIS
DECANI
HENRICVS MELCHIOR
SCHUTTE JCVS
MEMORIAE NEC NOMINI OPTIME MERITO
ASSOCIATI ET PRAEPOSITI FACULTATIS
ORDINARIJ
LECTORI BENEVOLO

ERRATA
JACOBUS CHRISTOPHERUS HERINGIUS
PRAEPOSITUS FACULTATIS
ORDINARIJ
DIE 15 FEBRUARII 1717
PRAEPOSITUS FACULTATIS
ORDINARIJ
DIE 15 FEBRUARII 1717



Rtis interpretandi necessitatem jam dudum demonstrarunt complures eruditi, qui hoc argumentum excutiendum sibi sumserunt. Et quidem quod ad interpretationem legum attinet, illa dispesci solet in authenticam, doctrinalem & usualem. *Authentica* dicitur, quando ipse legislator declarat, quomodo intellectam velit legem, qui enim leges præscribere potest, illius quoque procul dubio est, easdem interpretari. *Doctrinalis* interpretatio fit a iudice & Jcto, atque nititur idoneis argumentis ex regulis artis hermenevticæ desumptis. Hæc est vel *declarativa*, quando termini artis explicantur, v. g. quid in jure triticum, tignum, arbor, glans &c. significet, item quomodo vocabulum heres in jure civili & feudali sumatur &c: vel *extensiva*, ob identitatem rationis, licet verba deficiant, unde aliæ sunt actiones directæ ex verbis legum, aliæ utiles ex men-

te earum profuentes: vel *restrictiva*, quando quidem verba legis ad casum obvenientem applicari posse videntur, sed ratio legis repugnat. v. c. minor quidem sine curatoris consensu contrahere nequit, quia facile lædi possit, sed testandi facultate etiam sine curatore, ob cessantem metum læsionis, gaudet. *Usualis* denique audit, quando sententia legis dubia ex observantia constanti explicatur, v. g. cum secundum constitutionem Carolinam, ille, qui quinque solidos furto abstulit, pœna mortis afficiendus sit; in foro solidus pro ducato sumitur. Confer sis CASP. HENR. HORNII *praelectiones publ. de interpretatione jurid.* qui fere omnia fufius persecutus est. Sed & pacta aliaque negotia hominum aliquando interpretatione indigent, & leges volunt, ut non præcise verbis inhæreamus, verum potius ad id, quod actum est inter partes, sive ad intentionem respiciamus *L. XXXIII. de contrab. emt. L. III. de reb. credit. L. CXXV. de verb. signif.* & pacta obscura ex circumstantiis *L. XXXIV. de R. J.* aut ex negotii natura *L. LXVII. de R. J.* explicanda. Quodsi tamen ambiguitas exitum invenire non possit, contra eum fit interpretatio, qui clarius loqui debuisset, *L. XCIX. pr. de verb. obligat.* Ita consanguineus, si ad factam sibi a contrahentibus oblationem respondeat, se emere nolle, retractui renunciaffe censetur. Licet enim vel maxime ambigua sit hæc locutio, cum, qui declarat se jam emere nolle, non statim declarat, se intra tempus legitimum retrahere nolle: is tamen qui perspicue interrogatus dubie respondet, ubi clare loqui debebat, in culpa est, ea vero ratione damnum, quod sua culpa contraxit, non sentire existimatur. Vid. illustri-

Iustis AVGVSTINVS LEYSERVS *Med. ad ff. Spec.*
195. med. 5. § 6. Quisnam vero ille sit, qui clarius lo-
qui debuisset, inter Doctores disputatur. Vir illustris,
IVSTVS HENNING BOEHMERVS in singulari dif-
fertat. *de interpretatione facienda contra eum, qui clarius lo-*
qui debuisset §. 20. hanc suppeditat regulam: illum in pa-
ctiōne ambigua & obscura clarius loqui debuisse,
qui in illa voluit singularem & extraordinariam quæ-
rere utilitatem, quando scilicet lis est de illa utili-
tate, quam quærere voluit. BOEHMERVM
sequitur JAC. FRIDER. LVDOVICI, *doctr.*
Pand. libr. 18. tit. 1. §. 13. ubi docet, eum clarius
loqui debuisse, qui singulare quid prætendit, id est
tale, quod a naturalibus contractus recedit. Ita
contra emtorem fieri in dubio interpretationem, si
pretium non velit statim solvere: contra vendito-
rem, si evictionis præstationem detrectet. Contra
hanc vero regulam non nulla monet celeberrimus
LEYSERVS *Meditat. ad ff. Spec. 41. med. 4.* & regu-
lam ita formandam esse existimat: eum clarius loqui
debuisse, atque contrariam sibi interpretationem pati,
qui verba pacti concepit, vel concipere aut mentem
suam explicare debuit, atque obscure vel ambigue
locutus est. Sed alii judicant, veram inter viros
illustres non intercedere pugnam. Non enim ne-
cesse esse, ut quis mentem explicare studeat, nisi
qui aliquid, quod contractui per se non inest, pasci-
catur, vel se obligationi, quam ex natura negotii
fufcipere debebat, subducere intendat, eoque ipso
singularem & extraordinariam utilitatem quærat, cum
& de hoc casu *L. XXIX. de pact. L. XXXIV. de contrab.*
emtion.

*ention. L. XXXVIII. §. XVIII. de Verbor. Obligat. a LEX-
SERO excitatae explicandae sint. Ceterum, quia quilibet
pro se & heredibus pacisci praesumitur, L. XVII.
L. LII. §. I. de pact. omneque pactum in dubio reale
magis, & successoribus proficuum, quam personale esse
videtur, etiam si paciscentes de se tantum sint locuti;
pacto effici debet, ne heredes emolumentum participes
fiant, d. l. XVII. §. III. de pact. nisi tale negotium inter
paciscentes celebratum sit, quod natura sua personam
non egreditur. Sed nolo huic argumento diutius im-
morari, cum illud occasione L. XXXIX. D. de pact.
lectione cursoria persecuturus sit*

NOBILIS ATQVE CLARISSIMVS JVRIVM
CANDIDATVS,
D O M I N V S
ERNESTVS FRIDERICVS
Schellwitz.

Ubi hic sit natus, qua ratione educatus, sub quibus in
literis & legibus profecerit, paucis commemorandum
erit. Lucem primum adspexit Tenstadii, quae Urbs
Thuringiae satis nota est. Patrem virum praenobilem
& consultissimum, Dominum ERNESTVM SCHELL-
WITZIVM, Consulem dictae urbis meritissimum &
causarum patronum longe celeberrimum, sibi praema-
turo fato multis abhinc annis ereptum, ac matrem
SARAM BARBARAM, consulis ibidem meritissimi,
FERBERI, filiam, cunctis virtutibus, quae in sexum se-
quiores cadunt, conspicuam, non ita pridem beata
morte defunctam, veneratus est, ac etiamnum luget.
Horum optimorum parentum cura omnis ab incunabulis

bulis ejus posita fuit in eo, ut tam in Scholis quam privatim, doctrinae Christianae elementis bonisque artibus imbueretur. Cum vix decimum & sextum annum impleviffet Candidatus noster, a matre Halam Saxonum missus est, ibique litteris elegantioribus, per integrum triennium, publicis scholarum Orphanotrophei usus magistris, operam dedit. Absolūtis studiis scholasticis, Lipsiam se contulit, ibique in philosophicis virum excellentissimum & cosultissimum, Dominum D. AVGVSTVM MVLLERVM, in singulis vero juris partibus & arte de rite formanda Actorum relatione, Jctos celeberrimos, JOANNEM BAVERVVM & inprimis GEORGIVM ANDREAM JOACHIMVM, nactus est duces, nec non literas elegantiores, pro temporis ratione, excoluit. Nunc autem id agit, ut Licentiatu-
rae in utroque jure publicae gradum, ceu praemium exantlatorum laborum reportet. Quem in finem in nostram Hieranam delatus, alboque academico infertus, apud nostrum ordinem nomen suum est professus, ac, ut ad rigorosum admitteretur examen, modeste petiit. Locum dedimus votis honestissimis, ac textus ex utroque jure, tam Canonico quam Civili, cum eo communicavimus, quos doctē non solum resolvit, sed & in ipso examine talem se nobis probavit, ut dignus judicatus fuerit, cui cathedra juridica aperiretur, & desiderati honores decernerentur. Crastina ergo luce, die XX. hujus mensis Maji, recitatione solenni, quam lectionem cursoriam vocant, in L. XXXIX. D. de pact.
com-

commentabitur, eademque finita, dissertationem inaugura-
lem

DE
EO, QVOD CIRCA VEN-
DITIONEM RERVM FV-
TVRARVM IVSTVM
EST.

a dissentientium dubiis vindicabit. Quos actus solennes, ut Magnificus Dominus Academiae Rector, nec non reliqui Academiae Proceres ac cives honorifica sua praesentia illustriores ac splendidiore reddere velint, & meo, & ordinis nostri nomine, ea, qua par est, observantia & humanitate, oro rogoque. Publ. sub Sigillo Facultatis Jurid. Dominica Rogate die XIX. Maji. A. O. R. M DCC XLIII.




ERfurt, Diss., 1742/44


ULB Halle
005 355 400

3



W078





B.I.G.

Farbkarte #13

85

15

1743, 3

FACVLTATIS IVRIDICAE
DECANVS,
HENRICVS MELCHIOR
SCHÜTTE, JCVS,

MEMORATÆ NEC NON PHILOSOPHICÆ FACVLTATIS
ASSESSOR ET PROFESSOR POLITICES PVBL.
ORDINARIVS,

LECTORI BENEVOLO
S. P. D.

ERFORDIAE,
Typis JOH. CHRISTOPHORI HERINGII,
Acad. Typogr.

